

ԳՐԻԳՈՐ ՏԱԹԵՎԱՑՈՒ «ԳԻՐՔ ՔԱՐՈԶՈՒԹԵԱՆ» ԶՄԵՐԱՆ ՀԱՏՈՐԻ
ԱՆՎԱՆԱԿԱՆ ԴԱՐՁՎԱԾՔՆԵՐԻ ԻՄԱՍՏԱԲԱՆԱԿԱՆ ՔՆՍՈՒԹՅՈՒՆ

Գրիգոր Տաթևացին դեռ իր օրերում ազգերին և ժողովուրդներին միմյանցից տարբերող բնական հատկանիշների մեջ բացի աշխարհագրական սահմանից, նշում է նաև լեզուն: Սրանց կարելի է ավելացնել պատկերավոր մտածողությունը, որ ժողովրդից-ժողովուրդ այնքան տարբեր է, որ բառացի թարգմանությունը ուղղակի զավեշտի կարող է հանգեցնել. ասենք հայերենում շատ տարածված «տնաշենի տղա» դարձվածն օրինակ ոուսերենում կհնչի «сын домостроителя», որ ոուսախոս մարդու զարմանքը առաջ կբերի:

Եվ լեզվական ցանկացած երևույթ քննելիս առաջ է գալիս մի հարց, որին ոչ մի կերպ հնարավոր չէ հատակ պատասխանել. խոսքը լեզվական երևույթի առաջացման ժամանակին և դրդապատճառներին է վերաբերում, որին ուսումնասիրողները առանց բացառության միշտ մոտավոր պատասխան են տալիս:

Ինչքա՞ն ժամանակ պետք է մարդը անցներ, որպեսզի ունենար գրաբարի նման բարդ լեզվական համակարգ: Ինչքա՞ն ժամանակ պետք է անցներ, որ այդ համակարգը տարրալուծվեր, ծներ ժառանգորդներ և վերընձյուղվեր բարբառների մեջ: Սրանք փիլիսոփայական հարցեր չեն, որոնց կարելի է երկդիմի պատասխանել, սակայն ձգրիտ պատասխանել սրանց՝ նույնպես հնարավոր չէ: Եվ չնայած մարդու բազմաթիվ հայտնագործություններին և քաղաքակրթության զանազան ձեռքբերումներին, այս հարցերի պատասխանները այսօր էլ հստակ չեն, եթե չասենք՝ անհնարին: Դրանցից մեկը կես-կատակ, կես-լուրջ հաճախ է տրվում. ո՞ր պահից և ո՞ր ավազահատիկից հետո է ավազաբլուրը դադարում բլուր լինելուց: Կա՞ մի ավազահատիկ, որ իր վրա կրում է այդ փոխակերպման որոշակիությունը: Այստեղ փիլիսոփայական լեզվով ասած՝ գործ ունենք դիլեմայի հետ, այսինքն, յուրաքանչյուր ավազահատիկից հետո բլուրն այլև նախկինը չէ, սակայն արտաքուստ՝ նաև նախկինն է, այսինքն փոփոխության պահը ոչ մի կերպ հնարավոր չէ ձգրիտ ասել:

Այսքան անորոշ է նաև լեզվական երևույթի առաջացման պահը արձանագրելը, չնայած փորձում ենք քննարկել նրանց ընթացքը, ծագումնաբանությունը կամ՝

դրդապատճառները: Այս անորոշությունը կա նաև դարձվածքի որպես լեզվական երևոյթի առաջացման պարագայում, եթե փորձենք դարձվածքի առաջացման կոնկրետ ժամանակ նշել կամ՝ արձանագրել, թե ո՞ր պահին և ի՞նչ հանգամանքներում է ձևավորվել փոխաբերական բառակապակցությունը: Պակաս կարևոր չէ հասկանալ, նաև, թե ինչո՞ւ է լեզվի կրողը զգում փոխաբերական խոսքի կարիքը: Ինչո՞ւ, օրինակ, միջնադարի հայ մարդը «մեռնել» փոխարեն ասել է «մահ ձաշակել», աղոթելու փոխարեն՝ «աղօթս նուիրել», մեղքի պատճառի փոխարեն՝ «արմատ մեղաց» և այլն: Որքան էլ, որ գիտնականը կոչված է վեր հանելու երևոյթների պատճառահետևանքային կապերը, լեզվական երևոյթների ձշգրիտ պատասխաններ, սակայն, ոչ միշտ է հնարավոր տալ:

Դարձվածքի պարագայում հստակ է մի հանգամանք. գործ ունենք երևոյթների անսպասելի համատեղման հետ, կամ որ ավելի ճիշտ է առարկային մի այլ առարկայի գործողության վերագրման հետ, որտեղ նկատված «ներքին կապի» հիման վրա՝ փորձ է արվում բառն օգտագործել նմանեցված երևոյթի իմաստային դաշտում: Ասենք, ունենք «սրտխառնոց» և «փսխել» երևոյթները: Ունենք նաև «սիրտ հետ տալ» դարձվածքը, որտեղ կերակուրը ստամոքսից վերադարձնելու գործողությունը վերագրված է սրտին, նկատելով, որ այդ երևոյթի ժամանակ զգացողություն է լինում, որ «սիրտը դուրս է գալիս»:

Ինչպես նկատվել է ուսումնասիրողների կողմից, դարձվածքի առաջացման պատճառ են դառնում հիմնականում փոխաբերությունը, համեմատությունը, չափազանցությունը, շրջասությունը և այլ ոճական հնարանքներ:

Ծագումնաբանական առումով դրանք հիմականում ունենում են հեղինակային ծագում, սակայն լեզվի խոսակցական ակտիվ շերտում հայտնվում և տարածում են ստանում այն դարձվածքները, որոնք մոտ են ժողովրդական մտածողությանը:

Սրանց մեջ մի զգալի մաս են կազմում **աստվածաշնչյան ծագում** ունեցող դարձվածքները, որոնք ընդհանրական գործածություն են ստացել թերևս վաղ միջնադարից, ինպես՝ արգելված պտուղ, Նոյի ագռավ, քավության նոխազ, Սողոմ-Գումոր, բարի սամարացի, փարիսեցի մարդ, խաղաղության աղավնի, դրախտի դուռ, դժոխքի բաժին և այլն: Այս դարձվածքներից յորաքանչյուրի հիմքում աստվածաշնչյան ծանոթ մի պատում կա, որոնց շարունական պատմելն ու կրկնելը պատճառ է դարձել, որ առաջանան այդ պատմությունների խորհուրդները ընդհանրացնող դարձվածքները:

Դարձվածքների թիվը Գիրքոր Տաթևացու միայն «Գիրք քարոզութեան» Զմերան հատորում գերազանցում է մի քանի տասնյակը, որոնց մեջ գերակշիռ թիվ են կազմում անվանական և բայական դարձվածքները: Ոճական այս հնարանքի այսշափ առատությունը պայմանավորված է զրքի շարադրանքի ընտրությամբ. «Գիրք քարոզութեան» հատորները կենդանի ունկնդրին ուղղված ոգեշունչ քարոզների

ժողովածու են, և հեղինակը խոսքը լսելի, կենդանի, հետաքրքրաշարժ դարձնելու համար հաճախ է դիմել գեղարվեստական այս հնարանքին:

Իմաստաբանական առումով սրանց զգալի մասն իհարկե, ինչպես ասացինք, աստվածաշնչան թեմաներին է աղերսվում, ինչպես, օրինակ՝ **անմահութեան** կերակուր, արեգակն արդարութեան, դիւրանցուկ մարմին, դիւրասահութիւն ի մեղս, գերազանց յդութիւն, ի Վերին գաւառն (արքայություն), Ճանապարհ մարդեղության (Քրիստոսի երկրային կյանքը), **եկամուտ կիրք**, անհարազատ, ոչ բնորոշ կրքեր), քաղցր մարդասիրութիւն (աստվածային սերը մարդու նկատմամբ), **զգեստ արբութեան**, ոսկեղեն բնութիւն (անթերի, կատարյալ, ի սկզբանե տրված բնություն), զարթս նուիրել, զմահ ճաշակել, ի բոլոր սրտէ դիմել, յորովայնէ սրբեցաւ և այլն:

Փոխաբերական իմաստով են կառուցված արեգակն արդարութեան, արմատ մեղացն, դիւրասահութիւն ի մեղս, ի Վերին գաւառն, գարուն հոգւոյ, զանձրև գիտութեան, հեթանոսք ցամաքեալ դարձվածքները:

Հասարակական կյանքին են վերաբերում **բազմադիմի շնորհօք զընդարձակագոյն գութն զքաղցր մարդասիրութիւն դարձվածքները**:

Կան փոխաբերական դարձվածքներ, որոնց համեմատության եզրը բնության այս կամ այն երևույթն է. **անձրև գիտութեան** (գիտելիքների առատություն), **արմատ** մեղացն (մեղքի պատճառ), **բոյսք** բարեաց (բարի գործեր), **գարուն** հոգւոյ (հոգևոր վերազարթոնք), **լոյսն** գերազանցիկ (շատ ուժեղ լոյս), **կաթիլ ջրոյ միսիթարութեան** (միսիթարության չնշին չափ), հեթանոսք **ցամաքեալ** (սին դարձած հեթանոսեր), յիմանալի **ծով** (գիտելիքների ամբողջություն), ոսկեղեն բնութիւն (անթերի, կատարյալ բնություն), **պտուղ** առաքինութեան (առաքինի գործեր), **ցողն** կենաց (կենարար, կենսատու ցող). «Եւ մեծատունն խնդրեց յողորմածէն Աբրահամու և **կաթիլ ջրոյ միսիթարութի**, ոչ գտաւ»¹. «Մերժէ զմեղս և տայ զշնորհս սակայն մնայ արմատ մեղացն և դիւրասահութի իմեղս»². «Անձրև է բանն պլոտաբերեալ ցողն հոգին սուրբ զուարթարար և յորդ...»³:

Որոշ դարձվածքներ կազմված են չափազանցության կամ՝ իմաստի շեշտադրման ճանապարհով, որտեղ փորձ է արվում անչափելին մարդու համար հասկանալի մեծություններով ներկայացնել. **մեծ խոհեմութիւն, մեծագոյն սէր, զընդարձակագոյն գութն** և այլն:

Ունենք «գերազանց» բարի հաճախակի կիրառություն, որտեղ առաջնային է դարձել իմաստի շեշտադրումը, ինչպես օրինակ՝ **լոյսն գերազանցիկ** («Այլ յորժամ յաջորդէ գարունն և հնչէ հողմն, հարաւոյ իջանէ լոյսն գերազանցիկ»⁴. **գերազանց**

¹ Գրիգոր Տաթևացի, Գիրք քարոզութեան Զմերան հատոր, Կ.Պոլիս, 1740թ., էջ 12:

² Նույն տեղը, էջ 19:

³ Նույն տեղը, էջ 17:

⁴ Նույն տեղը, էջ 12:

յղութիւն (կատարյալ հղիություն). **գերազանց խոնարհութիւն** (անթերի, կատարյալ խոնարհությունն), **գերազանց շնորհ** (անգերազանցելի շնորհ):

Ինչպէս հայտնի է, շրջասությունը մի քառի կամ արտահայտության փոխարինումն է նույնիմաստ նկարագրությամբ, որի հետևանքով ասելիքն ավելի պատկերավոր է դառնում:

Շրջասության ձանապարհով են կազմված արեգակն արդարութեան (փոխանակ՝ Քրիստոս), ի վերին գաւառն (փոխանակ՝ Երկինք), ցողն կենաց (փոխանակ՝ հավատ) դարձվածքները:

«Գիրք քարոզութեան» Զմերան հատոր դարձվածքների մի մասը նույնիմաստ կիրառություն ունի նաև արդի հայերենում, ինչպէս օրինակ լոյսն գերազանցիկ (գերազանց լոյս), արեգակն արդարութեան (արեգակն արդար), ձանապարհ մարդեղության և այլն:

Բերում ենք «Գիրք քարոզութեան» Զմերան հատոր դարձվածքների արդի հայերենյան տարբերակները.

բազմադիմի շնորհօք - շնորհաշատ, շատ շնորհալի
լոյսն գերազանցիկ - շատ ուժեղ լոյս
շերմն սէրն - լիարժեք, համապարփակ սէր
զգերազանց յղութիւն - կատարյալ հղիություն
զերազանց խոնարհութիւն- անթերի, կատարյալ խոնարհություն
արեգակն արդարութիւն- ամենարդար, բացարձակ արդար
զբոքոքեալ սէրն - ուժգին սէր
արմատ մեղացն - մեղքի պատճառ
դիւրասահութիւն ի մեղս - հեշտությամբ մեղքի մեջ ընկնելը
ի վերին գաւառն - երկնայինտնօրինություն
գարուն հոգւոյ - հոգու վերազարթոնք
կաթիլ ջրոյ միսիթարութեան - միսիթարության չնչին չափ
ձանապարհ մարդեղութեան - մարդացման ընթացք
ցողն կենաց - կյանք տվող, կենսատու
զանձրև գիտութեան - գիտելիքների առատություն
հեթանոսք ցամաքեալ - սին դարձածհեթանոսներ
հրեղէն լեզուաւն - ազդեցիկ խոսք
եկամուտ կրից -անհարազատ, ոչ բնորոշ կրքեր

մեծ խոհեմութիւն - շատ խոնարի
զքաղցր մարդասիրութիւն - նվիրական, հաձելի մարդասիրություն
զընդարձակագոյն գութն - ընդգծված խիղճ
յիմանալի ծովէ - գիտելիքների ամբողջություն
զիուր մեղաց -մեղքի պատճառով առաջ եկած զգացողություն
զզուարթութիւն հոգևոր - ուժգին ուրախություն
զգեստ սրբութեան - մաքրող աղտերից
դիւրանցուկ մարմնով – ժամանակավոր, անցողիկ մարմնով
անմահութեան կերակուր – հոգևոր, հավատանվեր գործեր
պտուղ առաքինութեան - առաքինի գործեր
ոսկեղէն բնուութիւն - անթերի, կատարյալ բնություն

SUSANNA GRIGORYAN-Semantic analysis of the nominal stable-phrases of the "Winter tome" of the "Preaches book" Grigor Tatevatsi.-The number of nominal stable-phrases only in "Winter tome" of the "Preaches book" Grigor Tatevatsi that number is more than a few dozen. They mostly take their roots from the Bible, or they are based on social phenomena, and more often on natural phenomena.

СУСАННА ГРИГОРЯН - Семантический анализ номинальных фразеологических оборотов "Зимнего тома" Книги проповедей Григора Татеваци.- В "Зимнем томе" Книги проповедей Григора Татеваци число номинальных фразеологических оборотов превышает несколько десятков. Они в основном свои корни берут или из Библии, или же они основаны на общественных явлениях, а чаще - на природных явлениях.